



Inatsisartuni ilaasortaq Aleqa Hammond, Siumut
MAANI

Pisuussutinut uumaatsunut tunngatillugu aalajangiinissamut suliat ingerlanerat pillugu § 37 naapertorlugu Naalakkersuisunut apeqqummut nr. 2012-043-imut akissuteqaat.

Pisuussutinut uumaatsunut tunngatillugu aalajangiinissamut suliat ingerlasarnerat pillugu Naalakkersuisunut Inatsisartut suleriaasianni § 37 imm. 1 naapertorlugu apeqquteqarputit.

Naalakkersuisut qaqugu aatsitassaqaarneq pillugu suliaqaarnerminni qulakkeerniarpaat innuttaasut oqartussaaqataanissaasa aalajangiinernullu sunniuteqaqataanissaasa inatsisiliornikkut qularnaarneqarnissaat?

Tunngavilersuut:

Naalakkersuisooqatigiit suleqatigiinnissaannut isumaqatigiissutaanni qupperneq 18-mi (kalaallisuuani), allassimavoq: "Namminersorneq piviusunngorpat Kalaallit Nunaatalu aatsitassaqaarnermut oqartussaaffik tiguppagu, pingaartuuvoq innuttaasut oqartussaaqataanissaasa aalajangiinernullu sunniuteqaqataanissaasa inatsisiliornikkut qularnaarneqarnissaat".

Akissut:

Ukiuni kingulliunerusuni pisuussutinut uumaatsunut tunngatillugu aalajangiiniarnernut suliat ingerlaneranni innuttaasut periarfissaqarluarnissaat qulakkeerneqartaarerpoq.

Tamanna inatsisitigut Aatsitassanut ikummatissanullu inatsisikkut aammalu tassunga atatillugu Avatangiisinut sunniutaasussanik nalilersuinermut (VVM) aammalu Inuiaqatigiinni piujuartussamik iluaqutaasumik sunniutaasussanik nalilersuinermut (VSB) nassuiaasiomissamut malittarisassani suliarineqarsimasuni qulakkeerneqartaarerpoq.

Aalajangersakkat taakkua innuttaasut peqataatinneqarnissaannik kissaateqarneq taamaalillunilu aalajangiinissamut tunngavissat pitsaanerunissaat aallaavigerpiarlugu aatsitassanut ikummatissanullu inatsimmi nutaami ilanngunneqarput. Tamanna aatsitassanut ikummatissanullu inatsimmi pisoqqami piumasaqaataasimangilaq.

Pisuussutinut uumaatsunut (aatsitassat, uulia aamma gassi) tunngatillugu suliasaq Naalakkersuisunut aalajangiiffigisassanngorlugu ingerlateqqissinnaalinnginnerani, aalajangiinissamut suliap ingerlanerani sunniuteqaqataanissamut peqataatinneqarnissamullu sulianik ingerlatitsisoqarsimasussaavoq. Aatsitassanut ikummatissanullu inatsimmi § 74, imm. 3 naapertorlugu Avatangiisinut sunniutaasussanik nalilersuinnermi allassimavoq "Avatangiisinut sunniutissat pillugit nalilersuinissamik suliarinnissaq pillugu Naalakkersuisut erseqqinnerusumik malittarisassiuussissapput", taamatullu Inuiaqatigiinni piujuartussamik iluaqutaasumik sunniutaasussanik (VSB)

16. februar 2012
Sagsnr. 2012-060499
Dok. Nr.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

nalilersuinnermut atatillugu aatsitassanut ikummatissanullu inatsimmi §77 imm. 3-imi allassimalluni *"Inuiaqatigiinnut sunniutissanik naliliinissamik suliarinninnissaq pillugu kiisalu imarisassai pillugit Naalakkersuisut erseqqinnerusumik malittarisassiuussisapput."*

Aatsitassanut ikummatissanullu inatsisip atuutsinneqalernerata kingorna tamanut ammasumik peqataatsisarnerup sunneeqaataanissallu ingerlanneqartarsimanerat eqqarsaatigalugu suliat ingerlaneri ingiaqatigiissillugit ingerlanneqartarnerat tikkuarneqarsinnaavoq. Pisortatigoornerusumik suliat ingerlasarnerat Namminersorlutik Oqartussat tusarniaanermut nittartagaanni tusarniaanertut ingerlanneqartut aammalu "pisortatigoortuunngitsumik" kisiannili pingaaruteqarluinnartumik suliat ingerlasarnerat, ingerlatseqatigiiffiit, soqutigisaqartut, illoqarfiit nunaqarfiillu aammalu innuttaasut kalluarneqartussat akornanni toqqaannartumik oqaloqatigiinnertut ilisar-naateqartut innuttaasunik ataatsimiititsinerut, soqutigisaqartunik ataatsimiititsinerut, apersuinerutigut, isumasioqatigiinnertutigut, suliaqartitsilluni ataatsimeersuartitsinerutigut, paasissutissiinnermut allaffimmi, aviisini allaaserisatigut/tusagassiuutitigut nalunaarutitigut ingerlanneqartut.

Taamaalilluni VSB-mut aamma VVM-imut malittarisassani allassimavoq, tamanut ammasumik peqataatsitsineq aamma sunniuteqaqataanissaq suliap ingerlaneranut pingaaruteqarluinnartumik ilaasoq. Aatsitassarsiornermik suliaassanut takkuttussaa-sinnaasunut atatillugu innuttaasut peqataatinneqarnerisa atorneqarnerannik misilit-takkat suli ikittuinnaapput aammalu suliap ingerlasarnerata taassuma pitsanngor-sarneqarnissaa nukittorsarneqarnissaalu Naalakkersuisut tungaanniit suli kissaati-gineqarpoq. Taamaattumik VVM-imut aamma VSB-imut misissuinnermut malittari-sassat misilitakkat inerisarneqartut aallaavigalugit ingerlaavartumik iluarsineqartar-tussaapput.

Sinerissap avataani uuliasiorluni misissuinnermut VVM-imut misissuinnermut malitta-risassani 2011-imi decembarimi iluarsineqartuni aalajangersarneqarpoq VVM ta-manut ammasumik tusarniaassutigineqartassasoq aammalu tusarniaanermut piffis-saliussamut killiliussa qapaatit akunnerinik 8-inik sivisussuseqassasoq. Sinerissap avataani uuliasiorluni qillerinikkut misissuinnermut VVM-imut misissuinnermut malit-tarisassat januar 2011-imeersut suli iluarsineqaqqinngillat, kisianni aamma tassani tusarniaanermut piffissamut killiliussa qapaatit akunnerinit 6-init 8-inut sivitsorne-qartussaavoq. Malittarisassat taakkua marluk uuliasiorluni misissuinnermut aamma uuliasiorluni misissuinnermi qillerinissanut VVM-imut tunngassuteqartut Aatsitassa-nut Ikummatissanullu Pisortaqaqarfiup tuluit oqaasii atorlugit nittartagaanni pissarsia-rineqarsinnaapput uani: www.bmp.gl.

"VSB-imut malittarisassat"-nut iluarsanneqartussanngortunut atatillugu taamaalil-luni erseqqissarneqaqqissaaq, innuttaasut peqataatinneqartarnerat aamma sunni-uteqaqataasarneq tusarniaasarnernut tunngatillugu, kisiannili aamma tamanut am-masumik peqataatsitsineq aamma sunniuteqaqataasarneq aatsitassarsiorfiutileqati-giiffiit siusissukkut suliaassani ingerlataannut tunngatillugu ammasumik oqaloqati-ginneq aallaavigalugu suliat ingerlasarnerat qanoq iliorluni nukittorsarneqarsinnaa-nersut.

Inussiarnersumik inuulluaqqusillunga

Ove Karl Berthelsen

